

卯 5
426

梅氏驗方新編

第六集

天虛我生重刊

接骨	損傷	全身	腿足	脊背	身中	頭面	傷科
針刺	咬傷	逐瘀	保命	膏藥	除膿	斷臂	急救



天
虛
科
生
重
刊

(第六集)

梅氏驗方新編

西湖伊蘭題



南京中医药大学图书馆版权所有

中華民國二十三年十月十日重刊初版三千部 計共七集定價三元二角
中華民國二十六年八月八日重刊再版二千部 減收每部二元批發七折

梅氏驗方新編

第六集 定價五角

原刊者 梅啓照

重刊者 天虛我生

置版者 利用造紙廠

在無錫惠商橋普濟堂對面電話三五〇

發行者 家庭工業社

在上海南京路望平街口電話九四〇一四至一五

贈送物品
如用此書
最有實益
蓋於平時
必不購買
此種書籍
得此可以
有備無患
不啻千金
肘後方也

借板印刷不論多寡均按頁數統計每二面連紙印訂三厘底面雙算不滿千部者概加一厘單印一集亦可



傷科

●總論

六脈綱領曰浮沉遲數滑濇浮沉以部位言而虛實濡弱革牢六脈從之遲數以至數言而緊緩促結代五脈從之滑濇以形象言而長短洪微芤絃動伏散細十脈從之此脈之大概也又有解索雀啄屋漏魚翔彈石蝦遊等名皆死脈人有四海腦為髓海丹田為精海臍為氣海脾為血海人有五餘頭髮屬心血之餘眉毛屬肝筋之餘鬚屬腎精之餘腋毛屬脾肌肉之餘陰毛屬肺氣之餘也又指爪筋之餘筋乃骨之餘骨乃精之餘皮乃血之餘脈乃氣之餘骨節乃五臟之餘也五臟之竅舌為心苗心寄竅於耳眼為肝竅口為脾竅鼻為肺竅耳為腎竅腎又開竅於二陰焉五臟絕症鼻孔向上而黑者肺絕也嘴唇反起黑色者脾絕也魚目定睛人中陷者肝絕也舌尖黑色芒刺有胎心絕也兩耳黑色腎囊吊起腎絕也以上五絕之症不治頭為諸陽之會正額屬心心主血最畏見風若破傷風頭額腫者即死

●治法總論

夫跌打損傷氣血不流行或人事昏沈往來寒熱或日輕夜重變作多端昧者不審原因妄投猛劑枉死多人誠可惜也治宜及早半月後纔醫瘀血已固水道不通難為力矣既表不可復表要子細看明隨經重用藥青腫轉紅色血活將愈若牙關緊閉

不能進藥萬無生理坐臥避風忌一切生冷牛肉縮筋豬肉發病亦不宜食遇有重傷解衣諦視偏身血道形色若何診脈調和與否脈絕不至者死沈細者生山根好陰囊有子可治腎子入小腹無治頂門一破骨陷難存顙門被傷髓出即死心胸緊痛青色勝裏心乃偏心受傷可治紅色勝裏心乃心口受傷不治上心口青腫一七即死傷小腹而不及肚可治若陰陽不分糞下不止氣出不收則肚傷矣食管雖斷在飽食之後延二日不死者可治若鼻孔黑色舌大神昏則臟腑絕矣耳後為制命之處脊骨無續斷之方男子乳傷猶非重症婦人乳傷卻是危機正腰受傷笑者多凶小腹受傷孕婦最忌以上姑述其大者在醫者臨症制宜可也

●十二時氣血流注歌

寅時氣血注於肺

卯時大腸辰時胃

巳脾午心未小腸

膀胱申注酉腎注

戌時包絡亥三焦

子胆丑肝各定位

●血頭行走穴道歌

周身之血有一頭日夜行走不停留遇時遇穴若損傷一七不

治命要休子時走往心窩穴丑時須向泉井求井口是寅時山根卯辰到天心巳鳳頭午時卻與中原會左右蟾宮分在未鳳尾屬申屈井酉丹腎俱為戌時位六宮直等亥時來不教亂縛斯為貴

●左右論

凡受傷不知左右若有吐血症見血自明血黑者左受傷血鮮者右受傷

若無血吐出即看眼珠亦可知其定所烏珠包醜者傷在左白珠包醜又加紅大者傷在右左屬肝右屬肺烏珠屬肝白睛屬肺瞳人屬腎常見右邊受傷發時左邊使痛不可單治一邊必左右兼治其病始愈

●用藥歌

歸尾兼生地檳榔赤芍宜四味堪為主加減任遷移乳香並沒藥骨碎以

補之頭上加羌活防風白芷隨胸中加枳壳枳實又雲皮腕下用桔梗菖蒲厚樸治背上用

烏藥靈仙妙可施兩手要續斷五加連桂枝兩脅柴胡進膽草紫荊醫大茴與故紙杜仲入

腰支小茴與木香肚痛不須疑大便若阻隔大黃枳實推小便如閉塞車前木通提假使實

見腫澤蘭效最奇倘然傷一腿牛膝木瓜知全身有丹方飲酒貴滿卮苧蔴燒存性桃仁何

纍纍紅花少不得血竭也難離此方真是好編成一首詩庸流不肯傳母乃心有私

●藥中禁忌

乳香沒藥二味方中屢用務要去油若不去油恐其再發凡皮破傷用

象皮須滑石炒以免作膿凡損傷骨斷皮破者藥用水煎皮不破者藥用酒煎必加童便以

活瘀血

●發散方

凡跌打損傷先用發散為主 川芎 枳壳 羌活 澤蘭 荊芥 防

風 獨活 歸尾

乾姜各一錢加葱白三莖水煎服

●十三味總方

三棱五錢赤芍 骨碎補各一錢五分當歸傷上中二部用全歸傷下部用歸

尾蓬朮 元胡索 木香 烏藥 青皮 桃仁 蘇木各一錢 若傷重者大便不通加

黃四錢 恐有瘀血入內滯滯通瘀為主用陳酒半觔煎又加縮砂仁三錢同煎服

●十四味加減方 兔絲子 肉桂 劉寄奴 蒲黃 杜仲 元胡索 青皮 枳

壳 香附 五靈脂 歸尾 縮砂仁各一錢 五加皮一錢五分 廣皮二錢 酒水各半煎服

●七釐散 地鼈虫去頭足血竭 礪砂各八錢 蓬朮醋炒五加皮酒炒兔絲子木

香 五靈脂醋炒廣皮各五錢 生大黃 土狗各六錢 硃砂 猴骨各四錢 巴豆霜 三稜

青皮 肉桂去粗皮不見火各三錢 赤芍酒炒烏藥炒枳壳 當歸酒炒蒲黃生熟各半各二錢

麝香一錢 五分以上各製共為末傷輕者服七厘重者服一分四厘最重者服貳分壹厘陳

酒冲服仍可加入十三味總方內服之凡瘀血攻心者即醒 按此方最效藥肆有備

●飛龍奪命丹 礪砂 地鼈虫 自然銅醋炙七次 血竭各八錢 木香六錢 當歸

桃仁 蓬朮 五加皮酒炒猴骨製各五錢 元胡索醋炒三稜醋炒蘇木各四錢 五靈脂醋

炒赤芍酒炒韭子炒蒲黃生熟各半 破故紙鹽水炒廣皮炒川貝 枳壳 硃砂 葛根炒

桑寄生炒各三錢 肉桂去粗皮不見火 烏藥 羌活 麝香 杜仲鹽水炒秦艽炒前胡炒土

狗不見火青皮醋炒各二錢 以上各製共為細末傷重者服叁錢輕者服一錢五分老酒冲服

仍可加入十三味方內服之



●地蠶紫金丹 地蠶虫 礪砂 血竭 自然銅各八錢 烏藥 土狗 元胡索醋

炒當歸酒炒 桃仁 威靈仙酒炒 川牛膝各五錢 麝香 香附製木香各四錢 川續斷鹽水

炒五加皮炒 猴骨製 蘇木 貝母 廣皮炒 澤蘭 五靈脂醋炒各三錢 兔絲子不見火二錢

上各製共為細末傷重者服叁錢輕者服壹錢五分酒送下

●損傷用藥論 凡跌打損傷之症不可概論也青腫不痛或腫不消退者氣血虛弱

也用十全大補湯若腫或作寒熱者血傷而肝火動也用四物加山梔柴胡血出不止或又

發寒熱者 四君子湯加川芎當歸柴胡寒熱而痛甚者欲潰膿也用參芪內補散若膿出

而痛甚者氣虛也用八珍湯瘡口赤肉突出者血虛而肝火生風也用柴胡梔子散若膿不

止瘡口白肉突出者氣虛而有邪感也用補中益氣湯若膿潰而痛或潰而不斂者皆脾胃

虛也用六君子湯苟徒知敷涼藥而不潰不斂所以致敗症也受傷若腸中作痛按之不能

甯者內有瘀血也用承氣湯下之下後仍痛瘀血猶未盡也用加味四物湯調之按之不痛

血氣傷也用四物湯加參芪白朮下後胸脅作痛肝血傷也四君子湯加川芎當歸下後發

熱氣血俱虛也用八珍湯加當歸半夏胸脅脹滿飲食不思者肝脾氣滯也用六君子湯加

柴胡枳殼咬牙發搐者肝盛脾虛也用吳公散加川芎山梔勾藤天麻以上須要謹慎不可

妄用也各方載後

●十全大補湯 人參 茯苓 川芎 當歸 白芍 地黃 黃芪 肉桂各一錢 白朮一錢五分 炙艸五分 水煎服

●四物湯 當歸 地黃各三錢 炒白芍二錢 川芎一錢五分 水煎服

●四君子湯 人參 焦朮各二錢 茯苓 炙艸各一錢 薑三片 棗二枚 水煎服

●八珍湯 人參 茯苓 川芎 當歸 炒白芍 地黃各一錢 白朮一錢五分 炙艸五分 水煎服

甘草五分 水煎服

●補中益氣湯 黃芪二兩 人參一錢 炙艸八分 半夏一兩 炒白芍 獨活 防風各

五 炒白朮 茯苓 澤瀉 柴胡各三錢 連翹二錢 羌活錢半 生薑三片 棗二枚 水煎服

●六君子湯 即四君子湯加陳皮一錢 製半夏一錢五分 水煎服

●加味承氣湯 治瘀血在內者 大黃 厚樸 枳實 羌活 防風 當歸 生

地 朴硝各一錢 水煎空心服多寡隨量加減

●加味四物湯 治瘀血未盡者 當歸 川芎 白芷 生地 桃仁 紅花 枳

壳 牛膝 大黃 蘇木 羌活各一錢 水煎早服

●逍遙散 柴胡 土炒白朮 茯苓各一錢 當歸酒拌二錢 炙艸五分 薄荷六分 加

煨薑三片 水煎服



●異功散 即六君子湯去半夏

●獨參湯 人參一兩 水貳鍾 棗十枚或蓮肉龍眼肉同煎服

●六味湯 地黃四兩 山茱萸 山藥各二兩 茯苓 丹皮各一兩 澤瀉一兩 五錢水

煎服 若破傷出血不止者加麥冬 五味子各三錢

●托裏散 金銀花五錢 當歸二兩 大黃 花粉 連翹各五錢 牡蠣 皂角刺各三

錢 黃芩 赤芍各一錢 朴硝五錢 酒水各半煎服

●跌打損傷辨生死訣

頭頂受傷口鼻出血手足不動急灌童便壹碗若能知痛手足轉動者可治若仍手足難動言語不明不治氣喘呃塞者七日必死頂門傷破骨未陷入者可治骨碎陷入者不治氣出不收者不治顛門出髓者即死食後受傷七日不死可治眼閉者不治

太陽受傷暈倒在地急灌童便一碗若能知痛者可治不知痛者七日死如知痛頃刻又暈

者廿一日死

耳後受傷血入內者不治

兩目受傷可治

山根受傷不斷者可治斷者不治



食管斷者不治氣管全斷者不治未斷者十可救五色紅者可治發青黑色不治

兩肩受傷血入內者不治

心口受傷青色者七日死服藥三日後轉紅黃色者可治食飽受傷三日不死可治心窩處斷者不治

兩脅受傷痛緊急者七日死傷入肺者十四日死傷入肝胆面青發暈口吐黃水者不滿五日死如痰冷者四十九日死筋骨麻木身熱如火飲食不進者不治破傷血入內者不治血流出盡者不治出黑血黑水者不治

兩乳受傷男人可救宜急治女人難治

大腹受傷不發暈口內吐飯者可治若不吐飯腹內作痛不絕四十日死發熱亂言至夜發厥者三日死

小腹受傷血入內者其脈不實不治孕婦犯胎者胎必下不治

大腸受傷糞從口出當日死若便出尿四十九日死口不能語二十日死眼目眩暈手足皆冷難治過一時能轉熱者可治

小腸受傷昏暈發熱口中亂言七日死不分陰陽者不治腹破腸出未斷半斷者可治全斷者不治不臭者可治臭者不治色不變者可治變紫黑色者不治



腰傷嘔血急飲童便壹碗自知痛者可治不知痛而發笑者三日內死

夾瘡骨受傷斷者不治

背經受傷嘔吐不出全身難動掙坐不起睡臥不安七日死若吐鮮血十日死外腎傷囊內有子者可治子入小腹者不治子碎囊內者不治囊腫不從上痛者可治時日久長連腹內作痛者四十九日死若發熱暈三日死人事不知手足不動一時死囊破子入小腹者不治子未入腹雖垂懸於外可救相按有人囊脫兩子俱露醫去其一子以一子縫入小腹得活

老人左股壓碎者不治

凡受傷後魚際骨有脈者可治脈不動者死脈大而緩不治汗出不止形象變者防五日死目暈青色者不治魚口傳風不治頭目青黑額汗不流眼小目瞪身汗如油謂之四逆不治

●仙授外傷見血主方按症加減 歸尾 川芎 地黃 白芍 益母草 蔓本各

二錢乳香炙沒藥各二錢五分川續斷三錢蘇木一錢五分白芷一錢甘草五分生薑三片水

煎服

頭頂傷加升麻一錢肉桂二錢頭骨沉陷加白芷三錢 腦門腫痛加茯苓 白朮各二錢

腦髓出加香附二錢白附子 蒼耳子 牡蠣各一錢 面青懶食腹痛加柴胡 茯苓各

一錢五分陳皮八分升麻 半夏 黃芪各一錢 破處生蛙加細辛 青黛 蟬脫各一

錢 蛭即化為黃水滾出◎腦側近耳邊寒熱作痛加丹皮一錢 石棗 澤蘭各二錢◎目傷
出血不止用人乳飯內蒸過塗之◎黑睛脫出用手掌趁熱按進將絹緊緊包住三日不開
外用生地搗爛貼退其血內服方加木賊草 石決明 菊花各一錢◎目眶傷損齒肉脫
出用杏仁去皮尖嚼細吐於掌上趁熱以綿裹筋頭按齒肉上四五次送安目內再用鮮地
膚子汁點之自愈如無鮮者即濃煎熬膏亦可後以清水調生半夏末搽六七日有毛即生
◎目傷青腫水調生半夏末塗之◎耳傷加磁石一錢◎鼻傷加辛夷二錢 鱉甲三錢◎頰傷
加獨活 細辛各二錢◎唇傷加升麻 秦艽各二錢 牛膝三錢◎舌傷加石膏二錢 升麻三
錢用黃芩片貼舌上含之以斷其血◎齒傷加獨活 細辛 穀精草 血流不止用燈心緊
咬立止◎左肩傷加青皮二錢◎右肩傷加升麻一錢◎喉項傷加羌活 獨活 穀精草
各一錢◎手傷加桂枝 禹餘糧各一錢 薑汁五匙◎胸傷加川貝三錢 柴胡一錢 枳殼二
錢◎乳傷加川貝 百合各二錢 漏蘆一錢◎胸腹傷強言亂語加辰砂 茯神各一錢 遠
志一錢五分 金銀箔十張 盆子二錢 為引◎吐黃水加木香 木瓜 扁豆 大茴各一錢
大黃二錢 砂仁十四粒◎左脅傷加北芥子一錢 柴胡一錢五分◎右脅傷加北芥子一錢
升麻二錢◎腹傷加大腹皮二錢◎腹破腸出加黃芪 鹿茸各二錢 其腸將手輕輕按入
不可犯指甲其傷口用柿餅衆人嚼碎填塞七日全愈若不便以手按者用磁石末 滑石

粉各二錢 米飲調服其腸自入如不入將病人臥席上四角用人拏定舉搖其腸自入或以
 小麥煎濃湯待冷不令病人知含嚙其背漸漸自入不令多人相見並止旁人說話○腹破
 脂膜出用銅刀割去傷口用竹片夾住十日自愈腸入後食羊腎粥十日不可大飽若傷口
 燥烈以熟雞血塗之○腹傷倒脘者將病人橫臥被上被四角用人拏定打懸一頭提起一
 頭放下彼此下上令病人左右轉旋數次其脘即歸原處矣○小腹傷加小茴一錢槐花一
 錢○背傷加香附 木香各一錢羌活錢半○腰傷加木鱉子一個杜仲 牛蒡子 破故
 子 小茴 白芷各一錢大茴八分巴戟二錢○臀傷加白蠟 自然銅各二錢○腎囊破
 畢丸跌出血筋未斷者將手輕輕托入用桑白皮取絲成線以針縫合其皮外用生肌散塗
 之如畢丸墜地無血筋相連取起搗碎早米飯搗糊為丸空心黃柏湯送下傷口仍用上法
 縫之三五日如舊○寒熱發搐咬牙唇口牽動加天麻 升麻各一錢柴胡八分○囊腫痛
 不愈飲食少思加人參 白朮 柴胡各一錢○兩足腿傷加牛膝二錢木瓜 苡仁 五
 加皮 檳榔 石斛 蘇梗各一錢○傷口作癢加乾葛一錢防風 荊芥 連翹殼各一
 錢五分 赤芍二錢○血出多瘦弱加人參 麥冬各一錢○煩躁不止加柴胡五分丹皮一
 錢○面黑喘急加人參五分蘇梗一錢○膿出口噤流涎加人參三錢柴胡 升麻各一錢
 ○膿出不乾加滑石 蒼朮各一錢白朮一錢五分○手足微搐眉目微動加勾藤 柴胡

各一錢 ○手撒目閉汗出如雨加人參一兩附子五錢 ○眼開能言氣不相接加人參黃芪 白朮各一錢

○外敷生肌散 炙乳香 炙沒藥 白芷 赤石脂 兒茶 龍骨 貓頭骨 五

倍子各一錢 共研細末

○補骨方法 龍骨 乳香 沒藥 白芨 白蘂 文蛤 黃連 黃柏各三錢 麝香少許 人乳調敷 先將麻藥敷缺處一刻再用竹片夾住兩邊缺弦用快刀削去薄皮將

繡針二枚上下合正拴定用線緊緊紮住外敷藥散三四日後其肉生牢去針又用藥繆針孔處全愈 若新打破者不必用麻藥去皮依法敷藥即效

○破傷總論 夫刀傷雖易實難筋斷腹破皮連骨削刺入骨間箭簇斷在肉內或破

後傷風如此等症最宜良手 ○皮開而長者必用細針將兩邊新破皮漫漫扯合以針拴好

內外搽藥不可用膏藥貼蓋恐敗血成膿肉爛難斂如燥痛時以猪油或麻油拭之 ○腹破

腸出者令平臥避風處先用油搽傷口四旁緩緩將腸送入腹內用藥線將皮縫好然後敷

藥三日內不可轉側須待藥氣流通不見疼痛方可 ○箭簇斷骨肉間者須用麻藥服之使

不知痛庶可鉗出若小刺不出以黑寶散敷之即出 ○指節或骹骨被傷而偏者或連皮屈

折者必要傷時理正若至潰則不可整矣 ○敷貼紮縛均須仔細勿令粘連至後成膿 ○老



年虛弱羸瘦不忍痛苦者須以救生為本不必定施整理也○凡頭上傷或筋管穴道之處血來必湧須預調備止血之藥打開看時內有碎骨斷髮等類必要盡行取出速以藥敷好必用玉貞散蓋護防其傷風○爛壞者用收斂藥至肉滿不得結痂肌有小孔流膿不合者必有碎骨或芒刺斷髮之類纏住新肉故也必用烏金膏三品錠插入潰開好肉細察取出方能收斂結痂或生疔或內有膿窠者亦用此法治之○刎斷喉者傷及內喉飲食不可進則難治矣先以血竭末撒內喉四旁勿令漏入管喉以桑線縫合外皮再用風流散蓋一層補血膏貼之四圍周密不可洩氣內服參竹飲以接元氣并清氣血之藥自然全愈

●玉貞散

南星

白芷

防風

天麻

羌活

白附子

各等分

為末

敷用

護風亦

可調服貳錢

●風流散

降香節四兩

血竭二兩

五錢

蘇木二兩

乳香五錢

沒藥三錢

龍骨一錢

紅

花一錢

桔梗少許燈心一把哺成形鷄蛋十個連毛醋煮黃泥封固文武火煨各為細末和勻再研

乾糝上血止後燥痛用清油調敷血不止者以血竭末獨敷立止

●整骨接骨夾縛手法

夫腦者諸陽所聚其太陽顙門腦蓋等處一有破傷即宜分

開髮尋傷處剪去近傷之髮方好用藥若血湧出用燈心嚼成團蘸桃花散塞之無不止矣小則不必若或臭爛先煎消風散服之又煎辛香散洗之洗時切忌當風處猶恐寒熱增重

難醫若頭面皆腫此風入裏也宜服消風散患處有腫用蜜調聖神散或薑汁醇酒調貼亦可若髓出用安髓散清茶調敷二藥合用尤妙若腦骨沉陷用白金散加淮烏散貼之即時吸起服藥取效桐按舍弟兒時跌破額血出如噴先慈以白糖罨之愈後亦竟無癰

夫面有七孔眼居第一為人生一世之最要者治宜詳慎如睛出胞外者趁熱送入俾用聖神散貼退其血與腫內仍服藥若黑睛破水出者其目必壞若翻轉在胞內可輕輕撥轉歸源亦用聖神散貼之若血侵睛用桃柳嫩枝生地黃地龍煎水浸豬腿精肉貼眼上秘傳常服活血住痛散及青頭面藥餘皆照外傷見血治之

夫頰骨脫令患人坐定揉以百十下令口張開醫者以兩手大拇指入口中合手掇定往下一伸復還上一送即入臼矣仍用手巾兜住一時可解

夫牙床骨被傷用手揣搦令相按歸原用聖神散貼之外用絹手巾兜住下頰直上縛在頭頂上牙落者去之搖動者以箸撥正血出不止用五倍子白礬煎湯含口中止之以米湯調白金散噙化或用桃花散塞之

夫頭頸從高墜鴟縮者先用消風散或住痛散加瘰癧昏散服之令患人仰臥用絹帶兜其下頰直上頭頂再將頭髮解伸同絹帶拏作一把令其頭睡得平正醫者坐於地下伸直兩腳踏患人肩上用力徐徐拔伸歸原合好用生薑自然汁韭汁酒醋調聖神散貼之綁縛